



სახელმწიფო შესყიდვების  
სააგენტოს თავმჯდომარის  
გ ა ნ კ ა რ გ უ ლ ე ბ ა



KA080142602132019

№ 2858

02 / ივლისი / 2019 წ.

**შპს „ნატურე სერვისის“ შავ სიაში დარეგისტრირების შესახებ**

**შემსყიდველი ორგანიზაცია:** სსიპ „ეროვნული სატყეო სააგენტო“;

**ტენდერის ნომერი:** SPA180005816 და SPA180005815;

**შესყიდვის ობიექტი:** 77200000 – სატყეო მეურნეობასთან დაკავშირებული მომსახურებები;

**მიმწოდებელი:** შპს „ნატურე სერვისი“ (ს/ნ: 420427915);

**წერილობითი შეტყობინებების საფუძველი:** სახელმწიფო შესყიდვის შესახებ ხელშეკრულებებით ნაკისრი ვალდებულებების არაჯეროვანი შესრულება.

**აღწერილობითი ნაწილი**

**1. ადმინისტრაციული წარმოების დაწყება**

1.1. სახელმწიფო შესყიდვების სააგენტოში 2019 წლის 14 მაისს წარმოდგენილ იქნა სსიპ „ეროვნული სატყეო სააგენტო“ 2019 წლის 14 მაისის № 01/6778 და 2019 წლის 14 მაისის № 01/6777 წერილობითი შეტყობინებები (რეგისტრაციის №5197 და №5198), რომლებითაც სააგენტოს ეცნობა შპს „ნატურე სერვისის“ (ს/ნ: 420427915) მიერ SPA180005816 და SPA180005815 ელექტრონული ტენდერების საშუალებით დადებული 2018 წლის 17 ივლისის № 130 და 2018 წლის 17 ივლისის № 131 სახელმწიფო შესყიდვის შესახებ ხელშეკრულებებით ნაკისრი ვალდებულებების არაჯეროვანი შესრულების თაობაზე.

1.2. შპს „ნატურე სერვისის“ სააგენტომ, სახელმწიფო შესყიდვების ერთიან ელექტრონულ სისტემაში მის პროფილში მითითებული ელექტრონული ფოსტის მისამართზე [beso1001@mail.ru](mailto:beso1001@mail.ru), 2019 წლის 24 მაისის №1998 წერილით აცნობა სააგენტოში შემსყიდველი ორგანიზაციის წერილობითი შეტყობინებების წარმოდგენის თაობაზე და, სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესისა და პირობების“ მე-5 მუხლის მე-5 პუნქტის შესაბამისად, სთხოვა ხსენებულ საქმეებზე წერილობითი განმარტების წარმოდგენა. მიმწოდებელს განმარტება არ წარმოუდგენია.

**2. შემსყიდველი ორგანიზაციის პოზიცია**

შემსყიდველი ორგანიზაციის წერილობითი შეტყობინებების თანახმად, მიმწოდებელმა არაჯეროვნად შეასრულა მხარეთა შორის გაფორმებული ორი სახელმწიფო შესყიდვის შესახებ ხელშეკრულებით ნაკისრი ვალდებულებები.

**3. მიმწოდებლის პოზიცია**

ადმინისტრაციული წარმოების ფარგლებში მიმწოდებელს განმარტება არ წარმოუდგენია.

**4. სააგენტოს მიერ დადგენილი გარემოებები**

4.1. 2018 წლის 26 ივნისს სსიპ „ეროვნულმა სატყეო სააგენტომ“ გამოაცხადა SPA180005816 ელექტრონული ტენდერი სატყეო მეურნეობასთან დაკავშირებული მომსახურებების (CPV77200000) შესყიდვის მიზნით. სატენდერო კომისიის 2018 წლის 11 ივლისის №2 სხდომის ოქმით, ტენდერში გამარჯვებულად გამოვლინდა შპს „ნატურე სერვისი“ (ს/ნ: 420427915) და იგი მინვეულ იქნა ხელშეკრულების გასაფორმებლად.

4.2. 2018 წლის 26 ივნისს სსიპ „ეროვნულმა სატყეო სააგენტომ“ გამოაცხადა SPA180005815 ელექტრონული ტენდერი სატყეო მეურნეობასთან დაკავშირებული მომსახურებების (CPV77200000) შესყიდვის მიზნით. სატენდერო კომისიის 2018 წლის 11 ივლისის №2 სხდომის ოქმით, ტენდერში გამარჯვებულად გამოვლინდა შპს „ნატურე სერვისი“ (ს/ნ: 420427915) და იგი მინვეულ იქნა ხელშეკრულების გასაფორმებლად.

4.3. მხარეთა შორის 2018 წლის 17 ივლისს გაფორმდა № 130 სახელმწიფო შესყიდვის შესახებ ხელშეკრულებით ნაკისრი ვალდებულება, რომლის თანახმად, მიმწოდებელს შემსყიდველი ორგანიზაციისთვის უნდა გაენია ხელშეკრულებით გათვალისწინებული მომსახურება ხელშეკრულების გაფორმებიდან 2018 წლის 30 სექტემბრამდე. ხელშეკრულების ღირებულად განისაზღვრა 38 921,12 ლარი, ხოლო მოქმედების ვადა – 2019 წლის 31 იანვრის ჩათვლით.

4.4. მხარეთა შორის 2018 წლის 17 ივლისს გაფორმდა № 131 სახელმწიფო შესყიდვის შესახებ ხელშეკრულებით ნაკისრი ვალდებულება, რომლის თანახმად, მიმწოდებელს შემსყიდველი ორგანიზაციისთვის უნდა გაენია ხელშეკრულებით გათვალისწინებული მომსახურება ხელშეკრულების გაფორმებიდან 2018 წლის 30 სექტემბრამდე. ხელშეკრულების ღირებულად განისაზღვრა 181 048,58 ლარი, ხოლო მოქმედების ვადა – 2019 წლის 31 იანვრის ჩათვლით.

4.5. საქმეში არსებული სსიპ „ეროვნული სატყეო სააგენტოს“ იურიდიული სამსხურის უფროსის 2019 წლის 19 მარტის №04/7435 სამსახურებრივი ბარათის თანახმად, მიმწოდებელმა არაჯეროვნად შეასრულა მხარეთა შორის გაფორმებული №130 და №131 ხელშეკრულებებით გათვალისწინებული ვალდებულებები.

4.6. საქმეში არსებული შემსყიდველი ორგანიზაციის 2019 წლის 22 აპრილის № 01/5921 წერილით მიმწოდებელს ეცნობა, რომ მას მხარეთა შორის გაფორმებული № 130 ხელშეკრულების ფარგლებში დაეკირა პირგასამტეხლო ტყეკაფის გაუნმენდაობის გამო.

4.7. საქმეში არსებული შემსყიდველი ორგანიზაციის 2019 წლის 3 მაისის №01/6315 წერილით დგინდება, რომ მიმწოდებელმა ვადაგადაცილებითა და არასრულად შეასრულა მხარეთა შორის გაფორმებული № 131 ხელშეკრულებით ნაკისრი ვალდებულებები. ამავე წერილით, მიმწოდებელს ეცნობა პირგასამტეხლოს დაკისრების თაობაზე.

4.8. საქმეში არსებული მიღება-ჩაბარების აქტების თანახმად, მიმწოდებელმა მხარეთა შორის გაფორმებული № 130 ხელშეკრულების ფარგლებში შეასრულა 38 921,12 ლარის ღირებულების ვალდებულებები, ხოლო № 131 ხელშეკრულების ფარგლებში – 132 707,52 ლარის ღირებულების ვალდებულებები.

## სამოტივაციო ნაწილი

### 5. შემაჯამებელი დასკვნა

საქმეში არსებული მტკიცებულებებისა და გარემოებების შეფასებისა და ურთიერთშეჯერების საფუძველზე, სააგენტო მიიჩნევს, რომ შპს „ნატურე სერვისი“ უნდა დარეგისტრირდეს შავ სიაში.

### 6. გამოყენებული სამართლებრივი აქტები

სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესი და პირობები“.

### 7. სამართლებრივი შეფასება

7.1. სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესისა და პირობების“ მე-3 მუხლის მე-4 პუნქტის „ბ“ ქვეპუნქტის თანახმად, სახელმწიფო შესყიდვის ნებისმიერი საშუალებით განხორციელებისას, გარდა კონსოლიდირებული ტენდერისა, პრეტენდენტის/მიმწოდებლის შავ სიაში დარეგისტრირების საფუძველია, თუ მიმწოდებელმა ვერ შეასრულა ან არაჯეროვნად შეასრულა ხელშეკრულებით ნაკისრი ვალდებულებები. იმავედროულად, აუცილებელია, რომ ხელშეკრულების მოქმედების ვადა იყოს გასული ან ხელშეკრულება ვადაზე აღრე იყოს შეწყვეტილი.

7.2. იმავე წესის მე-7 მუხლის მე-2 პუნქტის შესაბამისად, საქმეში არსებული გარემოების გამოკვლევის, შეფასებისა და ურთიერთშეჯერების შედეგად, სააგენტო ადგენს, არსებობს თუ არა პრეტენდენტის/ მიმწოდებლის შავ სიაში დარეგისტრირების საფუძველი. იმ შემთხვევაში, თუ არსებობს ამ მუხლის მე-4 პუნქტით გათვალისწინებული გარემოებები, სააგენტო იღებს გადაწყვეტილებას პრეტენდენტის/ მიმწოდებლის შავ სიაში დარეგისტრირებაზე უარის თქმის შესახებ, ხოლო იმ შემთხვევაში, თუ არსებობს პრეტენდენტის/მიმწოდებლის შავ სიაში დარეგისტრირების საფუძველი, სააგენტო, ამ მუხლის

შესაბამისად, იღებს გადაწყვეტილებას პრეტენდენტის/მიმწოდებლის გაფრთხილების ან შავ სიაში დარეგისტრირების შესახებ.

7.3. განსახილველ შემთხვევაში, დგინდება, რომ მიმწოდებელმა არაჯეროვნად შეასრულა ორი სახელმწიფო შესყიდვის შესახებ ხელშეკრულებით ნაკისრი ვალდებულებები. აღსანიშნავია, რომ მიმწოდებელმა მხარეთა შორის გაფორმებული 2018 წლის 17 ივლისის №130 ხელშეკრულების ფარგლებში სრულად განია ხე-ტყის დამზადებასთან დაკავშირებული მომსახურება, თუმცა არ განმინდა ტყეკაფი, ხოლო 2018 წლის 17 ივლისის №131 ხელშეკრულების ფარგლებში მიმწოდებელმა არასრულად განია ხე-ტყის დამზადებასთან დაკავშირებული მომსახურება. ამდენად, სახეზეა მიმწოდებლის გაფრთხილების ან შავ სიაში დარეგისტრირების საფუძველი.

7.4. სახელმწიფო შესყიდვების სააგენტოს თავმჯდომარის 2015 წლის 29 ოქტომბრის №19 ბრძანებით დამტკიცებული „შავი სიის წარმოების წესისა და პირობების“ მე-7 მუხლის მე-3 პუნქტის შესაბამისად, გაფრთხილების ან შავ სიაში დარეგისტრირების შესახებ გადაწყვეტილების მიღებისას, სააგენტო, საქმისთვის მნიშვნელობის მქონე გარემოებებთან ერთად, დამატებით ითვალისწინებს დარღვევის სიმძიმეს, პრეტენდენტის/მიმწოდებლის მანამდე მიღებული გაფრთხილების თუ შავ სიაში რეგისტრაციის ფაქტ(ებ)ს, მისი სახელმწიფო შესყიდვებში მონაწილეობის აქტივობას.

7.5. სახელმწიფო შესყიდვების სააგენტოს თავმჯდომარის 2015 წლის 29 ოქტომბრის №19 ბრძანებით დამტკიცებული „შავი სიის წარმოების წესისა და პირობების“ მე-7 მუხლის მე-6 პუნქტის თანახმად, შავ სიაში დარეგისტრირების შესახებ გადაწყვეტილება მიიღება იმ შემთხვევაში, თუ შემსყიდველი ორგანიზაციის მიერ წარდგენილი ინფორმაცია სრულად აკმაყოფილებს ამ წესის მე-3 და მე-4 მუხლებით განსაზღვრულ მოთხოვნებს და არ არის სახეზე შავ სიაში დარეგისტრირებაზე უარის თქმის ან გაფრთხილების საფუძველი.


7.6. სააგენტო მიიჩნევს, რომ შემსყიდველი ორგანიზაციის წერილობითი შეტყობინებები აკმაყოფილებს ზემოხსენებული წესის მე-3 და მე-4 მუხლებით განსაზღვრულ მოთხოვნებს. ამასთან, სახეზეა მიმწოდებლის შავ სიაში დარეგისტრირების წინაპირობა და არ არსებობს მისი შავ სიაში დარეგისტრირებაზე უარის თქმის ან გაფრთხილების საფუძველი, რადგან მიმწოდებელმა არაჯეროვნად შეასრულა ორი სახელმწიფო შესყიდვის შესახებ ხელშეკრულებით ნაკისრი ვალდებულებები. ამდენად, დარღვევის სიმძიმის გათვალისწინებით, შპს „ნატურე სერვისი“ უნდა დარეგისტრირდეს შავ სიაში.

### სარეზოლუციო ნაწილი

სააგენტომ იხელმძღვანელა სახელმწიფო შესყიდვების სააგენტოს თავმჯდომარის 2015 წლის 29 ოქტომბრის №19 ბრძანებით დამტკიცებული „შავი სიის წარმოების წესისა და პირობების“ მე-7 მუხლის მე-6 პუნქტით და დაადგინა:

1. შპს „ნატურე სერვისი“ (ს/ნ: 420427915) 2019 წლის 3 ივლისს დარეგისტრირდეს შავ სიაში და მის შესახებ რეესტრში გაკეთდეს ორი სარეგისტრაციო ჩანაწერი.
2. ამ განკარგულების აღსრულება დაევალოს სახელმწიფო შესყიდვების სააგენტოს ინფორმაციული ტექნოლოგიების დეპარტამენტს.
3. ეს განკარგულება შეიძლება გასაჩივრდეს მისი ოფიციალური გაცნობის დღიდან ერთი თვის ვადაში, თბილისის საქალაქო სასამართლოს ადმინისტრაციულ საქმეთა კოლეგიაში (ქ. თბილისი, დავით აღმაშენებლის ხეივანი, მე-12 კმ, №6), კანონმდებლობით დადგენილი წესით.

თავმჯდომარე

ხელმოწერილია/  
შტამპდასმულია  
ელემბრონულად 

ლევან რაზმაძე